

嘉筆禾微獻錄

嘉禾徵獻錄卷二十九

按察司

郡人盛楓丹山輯

男支焯校訂

沈兼善

范

璿

父麟弟璋

言

子之才之京才子應龍

應賓

子爽文

之箴

祖瓚父詒詔弟誥

沈

宏

姚汝舟

張鳳來

沈伯龍

父大禮曾孫起從子中虛

中英

許

燭

父梧兄燭

燭子應地

應達

父燦

陳于王

山毓

子舒

龍正

子於

沈兼善崇德人洪武中由賢良舉累官江西按察使
范璫字朝珍秀水人父麟正統中廣東教諭親老不
赴景泰成化間累捐粟賑飢璫成化癸卯舉人弘治
庚戌進士知德平縣行取赴京卒弟璋字朝秉成化
庚子以五經魁於鄉博涉百家有靜遠堂集子言

言字孔嘉號菁山嘉靖乙酉舉人丙戌進士授蒲
圻知縣降保定府教授遷國子博士歷監丞忤嚴嵩
出為大理府同知致仕年八十三卒於家言與彭輅
並有文名各負氣不相下著四音存稿菁陽集靜志
居詩

話先生不畏彊索為國子監丞時嚴世蕃著紅衫入
上舍先生夏楚達之分宜次日造門謝未幾而大理
丞命下矣嘉靖初吾鄉稱詩必以先生為巨擘屠諭
德漸山長歌云菁山先生真屈奇文章垂世先陸離
懸黎結錄世莫識陽春白雪和者稀是子之才之京
時漸山詩名籍甚顧入室稱弟子焉子之才之京
之才南昌府經歷終寧海州判官之才子應龍桃源
縣丞之京不仕之京子應賓

應賓字光父工舉業與馮夢禎賀燦然齊名萬曆
辛卯順天中式第二名壬辰登進士皆掄魁初知商
城救荒有法又設學田以給士子調繁南宮治最遷
屯田主事歷員外郎郎中敕理易州山廠廠例歲貢

上方薪炭與中璫相惡額外徵督恚恨成疾陞吏部
郎中未及赴卒著尚書壁業親經義考子弈文南兵馬指
揮

之箴字從敬號鏡川祖瓊遂平縣丞璫之兄也父
詔不仕詔弟誥正德丙子舉人之箴嘉靖甲午舉人
乙未進士登第時年十七臚傳日謝恩畢誤登殿陛
間宮衛森列久不得下遂戰慄腰佩鏐錚有聲遽解
之委地得出既恐得罪乃詣座主求救因為代陳言
書生新進未識國體冀得仰瞻聖顏輒上螭陛特詔

明日更隨午朝俾得熟視弗罪也初任行人持節韓
藩轉司正陞都水郎中治天津河道出知永州府時
徭賊內訌官軍屢潰之歲以計擒之兵 潘某欲張
大其事以為己功乃株連平民無辜者上其名且就
僂之箴晨謁潘給之曰土寇陸梁罪固無貸但人心
洶洶不開釋一二恐為頑梗者藉口盡付之箴覈其
寃濫潘許之事既下之箴盡釋之潘大怒以為賣己
疏劾之上察其狀罷潘調之箴漢陽府陞本省叅議
遷山東兵備副使調雲南進湖廣叅政分守長寶未

幾陞雲南按察使沐藩家奴素暴橫有犯監司拘之
則道劫去之歲至有奴殺人令捕之且曰弗獲必置
爾死乃百計邏得自藩府至司五步即設對仗縛而
遞擲之劫者不能奪真之諸紳以沐藩故為請解之
歲謝曰既捕之當薄責以遣衆曰諾及按之密諭隸
曰杖五下當絕氣三下而死即日疏劾事連沐藩令
兩致仕沐藩以子承襲而之歲罷歸時年二十有五
凡居林下五十餘年之歲在永未久然永人思之不
忘每浙游者必枉道過之以一見為快

永州志載其
家居寄姚太

史詩云來書備述永人憐誤道當年太守
賢在郡自慙無惠政臨別祇是賦貪泉

沈宏字惟遠崇德人嘉靖甲午舉人乙未進士授刑
部主事遷武選員外歷郎中出為廣西副使時賀縣
賊倪仲亮連山賊李金剽劫宏勒兵深入有斬馘功
賜白金文綺獄中逸重囚六人同官恐宏以壬鈴占
之命捕卒曰旦日啟南門其第二隊人中有四人即
逸囚也及明蹤蹟果獲之擢廣東按察使家居倭寇
將圍城知其必破移書姻家姚太守汝舟令避去不
聽遂受賊羈同郡鄭履淳神其術師事焉○姚汝舟

嘉靖甲午與宏同中式戊戌進士以刑部郎中恤刑山東出知太平府罷歸為倭所獲數日乃放還

張鳳來字禺山秀水人嘉靖乙卯舉人丙辰進士操履清謹初任刑部主事慮囚江南歷員外湖廣司郎中出知德安府遷九江兵備改福建副使駐漳南時月港寇張維等初授首瘡痍未平加意休息每月所下郡縣牒不過二三而已又廣寇林道朝猖獗玄鍾洞山諸洋劇盜並起以應羽檄旁午廣設方畧逾年討平之賜白金進叅政

福建通志稱其抑吏卒不妄差遣節里甲供應公署所需

一從省儉臨去帷帳器用悉登簿籍給領雖比著細物位置如新

改江西就陞本省

按察使以忤撫臣乞歸降補雲南叅政未赴卒

沈伯龍字雲卿號文室嘉興人父大禮字敬叔萬厯初以鄉貢授上猶訓導終荊州府學教授伯龍嘉靖甲子舉人乙丑進士初知內江征輸供億務為節省性恢廓有容人之量時巡按御史貪悍數伺其隙而不得及內召將行邀於路盡發其囊止俸金三十餘兩御史慚而退入補禮科給事中轉右調工科左隆慶壬申出守川南道會有九絲蠻之亂負險抗王師

伯龍激厲諸將躬自督陣一鼓平之捷聞賜金幣陞
俸一級番猱叛督撫以兵五萬專屬之伯龍謂解甲
未久不堪復戰遂呼猱衆諭以國威猱聞諭歡呼
動地縛三渠魁以獻丁父憂起補山西叅議調湖廣
尋進本省副使張居正父喪諸司往弔極賻奠之厚
伯龍獨不赴王世貞作居正傳居正父死廵撫都御
史陳瑞居正癸丑所取士也馳至江陵
乘輿與以謁史陳瑞居正癸丑所取士也馳至江陵
袖而戴之已改入門從者易白服畢解紗帽出麻冕於
夫人不出跪於庭良久太夫人出復伏哭前謁致意
乃坐太夫人旁有小奄侍居正所私留以役者也太
夫人晚謂陳君幸一盼矚之瑞拱立揖奄曰陳瑞安
能為公公重公公乃能重陳瑞耳公公者中貴之尊

稱威獲見而呼者也太夫人亦為之啟顏至是陳瑞
已遷刑部右侍郎復與鄖陽都御史徐學詩及司道
守令會葬所聘遺不可勝計光彩傾遠適居正還朝
所坐步輿則真定守錢晉創以供奉者前為重軒後
寢室以便偃息旁翼兩廡各一童子立以裁缺歸
而左右侍為揮篲炷香用卒三十二弁之以裁缺歸
數月起江西再遷湖廣叅政轉山東按察使告歸卒
兩所名賢

錄有傳

伯龍曾孫起字仲方諸生國破後為僧名

銘起字墨菴有學園集六卷

靜志居詩話仲方質敏

意解聞者解頤年近三十始列青衿有御史某按嘉
禾倨坐自尊屬吏皆股栗謁孔子廟畢進諸生講四
子書仲方請說攻乎異端義拱而前曰太祖高皇帝
曾說此章書御史乃出位旁立掬躬輟講方坐觀者
肅然中年入東禪寺為浮屠非其好也嘗擬撰明書
謂明不亡於流寇而亡於厥衛斷自成化十二年秋

卷三

六

始設殿衛絕筆焉晚節以窮死

伯龍從子中虛字益原萬厯己卯舉

人永安樂陵知縣中虛從弟中英

伯龍子中彥鴻臚署丞中彥子廷麒

廷麒子之璉順治丙戌舉

人己丑進士白河知縣

中英字霞城萬厯庚子舉人癸丑進士授刑部江

西司主事厯山西司員外出知安慶府撫百姓如子

釐剔奸弊勤訓諸生平生無疾言遽色呵譴不及胥

役去官數年民追思不置

安慶府志有傳

再補順德知府

許煥字文升嘉興人父梧有孝行鄉貢官通州訓導

年八十六卒

兩浙名賢錄有傳

煥嘉靖丙午舉人庚戌進士

授莆田知縣莆田濱海倭寇抄掠燭率民兵戰却之
悉以所獲艘中遺貨歸府藏調繁鄱陽嘗行近郊從
橋上過風掣其冠墮水中燭意有寃令車水水盡見
屍究問得殺人者以抵罪改濰縣邑志稱其清介愛民遷工部

主事出督蕪湖關稅歷員外終順慶府同知燭兄耀

陽信教諭耀子應地萬歷丙子順天舉人終刑部山

西司員外郎

戒菴漫筆余邑中陳鴻江臯謨為南京工部郎中託其中表姪丁某同乃郎至

蕪湖買乃堂壽木其抽分主事嘉興許燭也因談及
其父名許吉向未有材亦近日所得者木之上有一
許字下有一吉字與姓名畧無差丁歸言之此十年
前壬子六月事偶與人論數之前定筆之按許翁名

梧非吉字
乃傳訛

應遠字伯漸號鴻川燭弟燦之子嘉靖辛酉舉人
隆慶改元戊辰進士知東平州郡守欲開水田應遠
力阻不聽後諸邑水田不效而應遠聽藝麥乃大穰
守慚恚中以蜚語調遼州士民哭送之應遠曰余在
官愧無他善狀今得士民哭聲差足慰矣其僕曰如
不堪貯囊橐荷應遠益大笑見筆塵尋進刑部員外改
虞衡遷都水郎中出督清江廠稅時清江王公隄潰
守臣議開別河避之應遠不可隄以石水竟安濶初

寶應湖風浪最險建議於老隄外開月河河臣上事
朝議謂老隄開鑿內外受水非久遠計應遠言月河
成則水性順侵啗不足患竟得報可應遠身行河上
布算周密凡四閱月而河成延袤四十里費僅十二
萬河隄鞏固迄今不毀又於瓜州創屯船塢使軍艘
自江入者曲折免風濤甓康濟舊隄免歲修費范家
口裂三百餘丈衆錯愕莫能為計應遠晝夜塞之功
竟告竣特擢太僕少卿中人有忌之者出為井陘副
使未幾以湖廣副使督蘇州水利發帑金十萬治水

應遠首開吳淞凡七十里次及諸州縣支河又次及
田間小河及諸園岸津梁一歲而成費減所發之半
事竣著修舉三吳水利稿敘述甚詳以病歸起淮徐
兵備副使移昌平道昌平內拱陵京外逼邊境中官
武臣皆以軍為私役應遠謝絕一切問餽咸心誓焉
修邊牆東征調馬諸路馬多瘦損獨昌平鎮馬臚壯冠
諸軍賜金尋遷河南按察使民詣闕丐留詔以山西
按察使仍留鎮卒官

應遠子錫珽訓導錫珽子宗渾崇禎己卯舉人順治壬辰進士

陳于王字伯襄

一字用賓

號穎亭嘉善人萬曆壬午舉人

丙戌進士知魏縣丁父憂補句容邑有解役費歲八千有奇于王條議取諸庫羨不以累民在官五年遷北刑部主事以祖母年九十乞南補南虞衡出監龍江關稅中官在南者亦設科稅於儀真撓于王權移文謂之曰龍江稅祖制也監所稅非祖制也無百里而兩稅請與監同請於朝得旨乃可中官不能答遂止不復稅改南文選主事一年署本司郎中丁祖母憂起補精膳出為湖廣副使備兵武昌淫雨漢水暴溢預糴穀數十萬石歲凶而民不飢楚故多盜而興

國地連江西之瑞昌山谷深僻有數大姓不才子弟
為盜首于王檄諭之令擒賊自効諸姓皆縛其渠魁
以獻盜悉平進本省叅政陞四川按察使備兵建昌
時建昌有猺夷之亂兼行至蜀而布政使鄧思啟已
兼兵備受事矣遂乞歸逾年補福建按察使命下以
疾卒二子山毓龍正

山毓字貢聞萬曆戊午浙江鄉試第一為文長於
騷賦精思苦吟寒暑無間中歲有嘔血疾而讀書不
輟卒年三十八弟龍正集其文為六卷梓而傳之私

諡曰靖質先生子舒字鳴遷崇禎癸酉舉人順治己丑進士
廣西驛傳道僉事

龍正字惕龍

別字發交

號幾亭游高攀龍之門天啟辛

酉順天中式第三崇禎甲戌進士授中書舍人丙子
充順天同考時上方務綜覈輦轂奮然戊寅五月熒
惑守心龍正上養和好生二疏曰事天無過好生好
生無過減死皐陶贊舜曰罪疑惟輕是聖人於折獄
能不無失也蓋獄情至隱人命至重故不貴專信而
取兼疑不務必得而甘或失臣居家所見聞四方罪

犯無甚窮兇極惡者及來京師此等乃無虛月且罪
案一成立就誅磔亦宜有所懲戒何犯者若此纍纍
臣願陛下懷帝舜之疑寧使聖世有過仁之舉臣下
獲不經之愆蓋陰指東廠事也越數日果諭提督中
官王之心不得輕視民命已復進特闡揆職二疏語
刺執政留中不下其冬京師戒嚴詔廷臣舉堪任督
撫者御史葉紹顯舉龍正久之刑部主事趙齊昌請
訪求天下真賢才上令奕昌自舉亦以龍正對上皆
不用己卯彗星見復應詔上疏語意切直再充順天

鄉試同考是歲立冬大雷電而雹龍正復疏請正郊
期格不行知時事不可為乞休不許壬午因罪己之
詔三上疏言時政俱優答西北墾荒議起時中外繹
騷會計蒿目議財議餉聚訟無庭皆言金錢不言五
穀言加派不言墾荒萬厯初歲餼四百萬節加至五
倍原額猶不給流亡日衆田土日荒盜賊滿天下上
雖旰食焦勞而無補龍正痛之疏論甚悉復著議極
言金非財惟五穀為財屯田未足以生穀惟墾荒可
以生穀起科不可以墾荒惟永不起科可以墾荒五

穀足加派可罷民生可安天下可治反覆數千言時
惟豫撫王漢晉撫蔡懋德宣撫朱之馮善其策上亦
傳旨取議入覽為設司道官總理其事卒以屯墾相
持不能決得明史稿時中原多殘破有田不給事中黃
雲師劾其學非而博言偽而辨不問時議欲用龍正

為吏部御史黃澍復以偽學詆之

甲申正月坐同考

註誤降南國子監丞

三垣筆記楊給諫枝起與吳選

令吳培昌多金以雁行呼謀引置黃門而枝起怒其
賄不及已遂唆甯侍御承勲糾之即枝起所草也昌
時聞而大恨知陳中翰龍正與枝起家故亦百計傾
之以圍事牽致龍正坐謫時枝起與廖給諫國遴曹

侍御溶等皆以考選一事干周輔延儒不遂怒欲反
戈延儒事尋洩孫侍御鳳毛糾疏所自來也聞洩國
遠等於延儒者乃馬給諫嘉植而洩技起言於昌時
者又徐侍御殿臣一時貪構變詐氣習殊可想見

南都擁立起祠祭員外不赴曰吾乞身先帝之世而
脂榮今日之朝乎因賦詩有京華歌舞新南極野哭
沈瀾舊帝星之句金陵陷龍正已得疾遂不食數日
死門人私謚曰文潔

明史稿有傳

龍正通達治體所論奏

皆國家大計著學言政書文錄因述凡六十餘卷號
幾亭全書又所輯程子詳本朱子經說十二卷

見經義考

皇明儒統陶詩衍等書行世子揆有父風著省心日

記十卷

嘉禾徵獻錄卷三十

按察司

五世孫 楓 述

後學聞元晟填諱

盛 周

五世祖敬
子惟謙

萬年

子士元士表元子以約

公諱周字文郁號文湖宋樞密使謚文肅諱度之後
靖康之難司諫諱瑄扈蹕南渡居臨安元初八世祖
諱轅贅朱張氏徙秀水之野涇遂為秀水人七世祖
諱明德生可大洪武間授省祭官流寓北平子宗愷
舉稅戶人材除太常典簿家於燕其在秀水者諱明

德次子諱可久之後也曰譽為諱可久公長子譽生
琪字國珍鴻臚寺主簿瑤字國儀歷永安連城二縣
主簿瑤子憲字君章嘉靖壬子副榜南京西城兵馬
司指揮志字君成祁門縣丞諱敬譽之弟公之五世
祖也公弱冠為諸生學使者至試輒居首屢不第益
勵志於學以尚書授生徒從游者歲不下數十人及
門弟子如沈啟原項鉤馬如麟張大忠皆相繼登第
所居梅湖有朱張氏稅暑亭遺址給事沈謐構書院
講學其中公亦與焉嘉靖壬子年已四十三需次膺

貢始舉本省鄉試第三人癸丑成進士初知浦城請
託餽遺一無所受邑隣建昌吏胥率江右人竄籍舞
文骫法擇其尤者誅之時以其暇與邑士圍性命之
旨重建南浦橋坑場寇起築柵守禦以奇兵搗其穴
就擒嘗徵豪富某甲不法事建寧守潛入其賄欲為
之解不聽怵以危言亦不為動卒論戍上官以公强
直交薦之行取至京師工書趙文華詣公曰東樓虛
臺省待公曷往過之公毅然曰士所以望登臺省者
上思匡君下思利民耳今先以身乞憐相府異日何

以自立文華慙而去僅補南刑部雲南司主事轉本部山東司郎中出知東昌府郡故南北要津輓漕乘傳疲於支給乃請上官撥濟南兗州二府協濟并令刻期轉解勿致稽延遂以為例以勞卒於官福建通志建安

府志東昌府

年五十四所著有滴露堂稿南曹唱和

志各有傳

集靜志居詩話太守少從王龍溪游與沈先生靖夫

講學於聞湖書院遺址在梅家蕩水中央其子姓至今聚族於斯聞其報最日忤子諱惟謙諸生任俠

分宜父子不得臺諫蓋莊士也

子諱惟謙諸生任俠

好義生諱萬年公

公諱萬年字恭伯

一字號若華少從同郡表黃學

及南昌萬國欽館於禾復與相切劘萬厯己卯舉於鄉癸未與國欽同舉進士初授刑部四川司主事奉命更定律例以外艱歸起補都水主事歷虞衡員外時穆廟駙馬梁邦瑞及永寧公主皆薨駙馬父請墳價銀三萬兩公謂主與駙馬皆薨駙馬父庶人而請墳價銀二百年令甲所不載請擇廉幹曹郎董其役墳成費僅三千金明年出督荊州關稅值有採大木造淺船二役諸商裹足不前公請稍寬其科條課大最郡有大水部使例得登舟以避公獨止署舍不去

相度水勢知自通濟橋齒隄入督衆塞之全田廬無
算楚藩廣元王為宗室所訟監司欲抑廣元公曰廣
元非有大過不過年少分卑署親王篆故諸王忌之
宗室素悍有司不能制不如植廣元以壓庶宗如公
言宗室帖然在事二年還部轉屯田郎中出為分巡
建南道副使建寧諸生請撤民居拓學宮公謂非舊
制不許無何居民果控諸生借端索賄遂慰遣之調
廣東叅政分守嶺西萬厯庚子鄉試巡按御史顧龍
禎性很暴無錫志龍禎性褊急無貴賤片言不合裂眦攘臂頃之亦不宿怨與布政

使王津議科場費不協萬歷中廣東通志載稅契留銀
一半每年又除六千兩貯備科舉之用餘一半充餉
遇撥造年每畝止稅銀三分萬歷二十六年軍興頃
費戶部題議凡契載業價一兩稅銀三分時掌印
布政使梅淳稔知廣俗凡置業必寫虛價議以
為率內將三兩照部文全稅三分共銀九分餘折
半計征總督戴耀巡按馬文卿從之嗣后巡按顧
禎欲盡括解且不准折左布政使王津慮科舉餉
兩無所資因力請留龍嶺遠銜之至李御史時華
粵署藩事參政盛萬年首以為言乃復留二項後
布政使陳性學極言東南民力竭矣從折征便於
仍原區於閩中野獲編庚子秋試王以提調偕顧
議詈至以老奴才目王亦不能勝墮冠弛帶以吉
至公堂上王奮拳擊之顧尚忠者司外簾力為解
而盤旋於地有順德令倪美鬚髯頃刻顧領俱空
顧即攬其裾痛毆之令故美鬚髯頃刻顧領俱空不

知王出外久矣王返藩司即具疏言狀且請罷事聞
得旨顧革任聽勘顧疏尋至王亦去如顧例
龍禎泮俱解職公署藩篆稅璫李鳳勒借司庫銀六
萬兩公不與鳳怒謂公抗旨公曰但聞抽稅不聞抽
庫何抗焉鳳語塞又請改建稅署并造兵船制府下
司議公謂署可造船不可造近者陳奉激變於楚其
事可鑑格不行粵餉十餘萬舊取給於各稅時稅歸
璫解軍無糧見事下公公數各屬應解司餉盡令於
本地散給士得宿飽龍禎泮之解職也當屬公勘擬
巡按御史李時華繼至護同官欲寬龍禎公不可時

華改屬之梟長津削籍龍禎卒外謫辛丑四月倭寇
吳川邑濱海憑限門為天險閩有海舶名白艚者往
來貿易奸徒勾倭箴其中入限門登陸焚劫高涼兵
寡公乃懸金購義勇配狼兵協力出戰俘賊三十餘
人錮之獄請於制府斬八人餘以脅從縱之賊知有
備宵遁五月倭大舉寇雷州公在高州聞謀報即召
叅將郭四科劉宗漢謂之曰高雷相去六百里從陸
往賊必知之非拒則遁若從海道則一日可至出其
不意必成擒矣乃料戰艦六十艘揚帆抵雷倭方踞

民廬挾婦女轟飲官軍從市口撤屋而焚之賊奔突
不得出殲焉六月倭寇廉州公又令游擊黃某拒之
俘載五十沉其艘艘二溺死無算自是賊不敢復寇
矣公復籌善後之計益增戍守及戰艦器械自新門
至青洲七百里凡置十一戍往來偵邏粵賴以安高
州城故卑且圯城濠為閭閻所占塞公更築之又濬
濠數尺城東高阜有土百餘頃可耕苦無水遂蕪廢
公周覽知前山有泉阻於石乃令鑿之四十日而得
泉下坂如注遂為腴壤在粵七年御史李時華以前

嫌誣公在吳川擅殺論調高之士民立祠於雷白城

勒石紀功

廣東通志祠在城內迎恩街

後御史林秉漢至追論平

寇功陞俸一級

賜金五十兩

明史稿朱吾弼傳附林秉漢字伯昭長泰人按

廣東再疏劾李鳳尋移疾歸卒於家天啟中贈太僕少卿

補貴州新鎮道叅議苗

人出劫州郡公廉知為土人勾引選能吏告諭之寇

盜稍息郡無兵械雲南副總兵陳寅解官歸道出平

越公邀之造火具烏鎗箭地雷飛礮大將軍之屬

分布各州縣小有竊發遣兵於近苗山谷間試之苗

大震人皆夜行無虞就遷貴州按察使時巡撫胡桂

芳新至官謂公曰秋行盡矣而決囚之旨未下聞楚
滇皆已決奈何公謂處決雖有常期然頻年奉旨免
決則停刑亦為近例曷少待及至後決錄下公急白
胡曰黔屬本候旨決囚而詔下已在長至後陽氣方
長不宜以肅殺傷天和疏請為可胡乃以聞奉旨停
刑蓋是年慈聖太后周甲也得奏深見褒嘉丁內艱
歸被讒中外計復擬左調服除粵制府請添設右江
監司詔選才望夙著者部議以公往建署賓川是時
柳賓連歲大荒剽賊寇掠為暴甫至州人皆痛哭哀

訴及閱營兵不過二百餘人庫餉不滿千斗米錢四百救飢不暇重於用武公乃先覈隣省協濟餉銀應給發者得先支一歲平糴於東粵以賑之煮粥貸牛種民始得耕以待秋熟賊復出剽掠公度官軍未可用乃召土司黃文輝授以方畧出奇搗其巢斬數十級俘獲六十餘攻破石牌中埠邕敵邕兩等寨賓州平惟遷江縣洛春感岸中謝等賊桀驁難制公請制府許弘綱調廣東游擊王選率其營兵二千會於賓佐以本營參將趙庭分路搜賊寨深入斬百餘級俘

二百餘人招降者三百人遷江亦平柳州劉天仙陸大成等賊謂官軍方注意賓未暇及柳公別檄土司以計擒其渠魁十九人斬於市餘遂潰散一歲中三方晏然明年公巡柳州諜報賊衆數千將以夜半渡江乃令移舟載火具夜往伺賊半渡擊之賊出不意大潰溺死無算擒二十八人自是遂無賊患田州土司岑懋仁素不法制府議勦之公謂兵弱難制先遣屬吏諭以禍福懋仁悔悟斬叛目首惡以贖罪歸土還印貢馬如常是年所屬歲大豐野不種而獲下所

司勘實戶口其田之有主者聽其收穫或有田在人

亡者酌給貧民以疾乞休不許

載廣西通志

遷江西按察

使致仕歸

盜柄東林夥一錄分初盛晚先公列盛夥中註入主出奴漸移國柄初以鄒公元標

為鼻祖盛

以楊公時喬為鼻祖晚以劉公一燦為

鼻祖其云夥

者即黨也東林同志錄列藩臬中

居十年卒年七十有四

靜志居詩話盛公浮湛藩屏

人入寇躬擐介冑乘城擊破之

有年當其司臬羊城倭

五監司事案無留牘其還家詩云

三黜已甘投嶺外

一帆今喜到江鄉所居梅湖饒有魚稻

之利子諱士

築場納稼以寶晉訓子孫先疇至今未改

云

元次士表士元公字元長號崑柱諸生入太學時廣

寧失守草疏陳固守山海保障京師之議不報授內

閣中書舍人在事一年卒公一子諱以約字彥修號
演仙太學生士表字其儀太學生能書國破死事年
三十六

嘉禾徵獻錄卷三十一

按察司

郡人盛楓丹山輯

男支焯校註

許盛

毛廣

子程崇

應銓

子湛

諸偁

祖忠父敷
子貞孫鉅錄孫女適周

賈名儒

金燦

俞咨伯

祖癩

南金

喬桂

沈奎

騰蛟

盛胥嶺

盛

唐孫撰時時嗣子國光
時族弟樵相相子國彥

卜大同

遠祖官三

父宗洛

大有

子謀

大順

萬祺

祖大觀

二南

孫長生孫安沈氏

鍾一元

毛汝賢

尚忠

弟尚文

陸相儒

張應治

廷薦

女適沈

晉徵

郭鼎

連祖說父崎

郭子直

遠祖說祖崎父鼎
子欽光孫陽富在桑米

沈思充

吳昌期

祖邦祭父翼

祖錫

父昌時

沈孝徵

誼徵

孫德高

陸楷

典

夏燁

燠子觀原

陳國是

子壽族子甲

王

濟

達祖道輔父英嗣子漢齡

隆德

蔣英

兄茂

吳之屏

父尚倫弟之翰

爾燠

子震方

許盛字昌世平湖人景泰丙子舉人天順甲申進士授刑部主事歷員外敕往陝西審決出為四川僉事蜀府莊戶侵民山田獄久不決盛廉得其實還之民丁憂起補川北僉事大竹饑貧民擲券於富室而取

其粟有司坐以盜盛令具本息償富人而薄其罪儀
隴巨寇嘯聚誅其首惡餘黨亦平轉雲南副使民有
驚銅者鑿家誣以盜礦獄具瘐死過半盛力請釋之
致仕歸

兩浙名賢錄稱其剛直廉介所至有冰蘗聲

毛廣字惟勤晚號方溪吏隱平湖人成化庚子舉人
甲辰進士

明史胡獻傳弘治九年授御史即極論時事內云如御史武備忤壽寧侯張鶴齡及

太監楊鵬主事毛廣忤太監韋泰皆為校尉所發推求細事誣以罪名舉朝皆知其枉無敢言者而郡邑志竟不載其受誣始末史亦云九江府通判歷山東僉

事湖廣副使子程崇程嘉靖丙午舉人崇嘉靖乙卯

應天中式南雄府同知廣曾孫應銓

應銓字九衡萬曆甲午舉人乞恩吉水教諭補安

吉州學正與諸生講論務以躬行為本歷國子學正

禮部司務卒於官

安吉州志有傳

子湛字修之萬曆乙卯舉

人乞恩婺源教諭陞國子助教

婺源志作博士

轉監丞遷刑

部江西司主事終本部郎中

諸偁字揚伯號苧邨嘉興人祖忠永樂中鄉貢饒州府通判以才薦入為郎中出知梧州府父毀隱居教授通陰陽家術偁幼多病未知學羈北逐羣兒於市

中僧欽明有知人鑒與學善見偈勸令就塾資穎發
數載通經史大意恢談雄辯輒傾四座為文則務鉤
深發微竟日或不就一藝年幾四十正德癸酉始舉
於鄉丁丑登進士知黃梅邑素難治又寧庶人亂後
民多流亡偈至竭力撫綏起二年丁父憂起知大名
築隄障河置學田數頃以贍貧士兩為令妻子不入
官舍北直志稱其清約如寒士興學勸農修舉廢墜孜孜不倦轉南刑部河南司
主事從王守仁游丁母憂補原官歷員外擢福建僉
事總理屯政王世貞挈徐階行狀階謫延平府推官偈為分巡僉事時大盜窟尤溪四出剽

掠欲屬階捕而難發言階奮請身任之旬日得酋首并餘黨百二十人

丁酉進貴州叅

議貴土官遇上官至輒有餽悉却之安宣慰者大酋也承襲必先行貨於所司乃敢請偁廉知印為判牒遷本省副使年未至遽乞歸偁性坦厝林居後角巾綈袍雜處負販中怡然自得通曉音律酒酣常吟唱歌呼歷官二十五年貧無田宅間有以請謁來者嚴絕之

陳良謨見聞紀訓同年諸揚伯偁語余曰嘉興有一賈積白金數百兩貯以磁甕以金釵二股

置其上座土中為其子窺見竊發之甕中清水一泓

耳以手攪探之無物遂封蓋如故比其父出賈歸啟

甕取金數不減而次置已亂後其子稍自言其故

衆駭歎以為父財子猶不得有之況可非分歟耶年

六十七卒於家

稿李往哲編有傳

子夏字子華號彪湖能書

宗褚氏法

味水軒日記彪湖以善書名郡中家多精帖其書有功力而識韻不超

甘貧

樂道與項元淇戚元佐友善以鄉貢老孫錕鏐亦世

其家學錕衡水教諭鏐海寧訓導偁孫女適同邑周

用甫婚四年而用甫卒遺孤三歲苦節撫之甲申遭

亂恐不自全絕粒死時方大暑五日而殮顏色如生

里人為立祠於南天竺

閔文振涉異志副使秀水諸公偁布衣時偕友人即某出

郭見片紙於地戲共溺之坐亭中有老人至以杖戳紙諸公問曰何也老人曰紅蛇也異之老人去一少

年至拾而啟之則荷囊也內貯大錢四文遠持以去

因語郎曰此錢非吾與老人所應得故吾視之紙也

老人視之紅蛇也唯少年則視為荷囊而取之是當歸之少年也相與嘆息而去

賈名儒字實齋嘉興人正德己卯舉人嘉靖丙戌進士初授刑部主事歷員外郎郎中時吏部尚書汪鉉黷貨考功吏受賕事發名儒訊之附重比忤鉉出知姚安府馮汝弼劾鉉疏刑部郎中賈名儒勘再補汝寧會世廟躬謁顯陵道南陽一時署篆吏重斂民貲

佐供應名儒為榜給還汝民還密雲兵備副使年四

十遂乞休家居四十年而卒野獲編賈齊里居與趙甬江少保前後門相通

一日過趙時正督師徵餉至其鋸皆錮束桶中羅列庭下賈偶不知問此中何物曰各處解到火藥也

曰逼巖欲造火樹願轉乞少許遂攜二桶歸趙不能
爭乾笑而已一日雪後寒甚實齋披貂裘立門前有
一隣舍少年號倪麻子者頗小慧好侮人賈見其著
履呼前曰我有一對汝能屬句否因出曰釘靴踏地
倪麻子倪云對則能之但不敢耳賈曰吾不罪汝即
對曰皮襖披身假畜生賈面發赤詬詈而入市人皆
大笑

金燦字敷華號豐村嘉興人嘉靖乙酉舉人丙戌進
士知任邱縣以剛方自勵擢山西道御史巡按四川
出為湖廣僉事轉本省副使歸倭寇郡燦家石佛寺
遇害

俞咨伯字禮卿號蒲山平湖人祖獻督賦於鄉慮慙

無私邑令熊士選引與計事所親干以私輒怒悉引去不敢復言里中謠曰郭東俞君當春握冰洛伯嘉靖辛卯舉人壬辰進士授營繕主事歷虞衡員外屯田郎中出知泉州府歲饑疏請發賑尤加意學校庠生邱有品貧不能婚為捐俸娶婦有品卒登第遷河南副使調山西提學以疾歸卒於家年三十七

南金字國良號九湖洛伯從弟也嘉靖己酉舉人壬戌進士授刑部主事歷員外郎郎中出張仁沈清伯於淹繫知常德府崇藩欲廣莊田以千金賂南金

不受再補馬湖調簡思南致仕

湖州府志俞向葵平湖人萬曆癸卯舉人

天啟二年任長興教諭陞溫江知縣道州知州其祖父俟考

孫喬桂

喬桂字元芳號紫林萬曆戊午順天中式乞恩山

陰教諭天啟壬戌登進士知潛山縣不事鞭朴出鄭
言於獄加意庠序扶植孤寒邑有破越河水漂駛渡
者多溺喬桂為建梁創立義塚掩骼埋胔以病乞休

卒於行

安慶府志有傳

沈奎字文明號秦川海鹽人嘉靖辛卯舉人戊戌進
士授刑部主事歷本部員外郎郎中時宗室有獄衆

多依回奎舉大義斷之出為江西副使乞休歸長子騰蛟

騰蛟字益三邑諸生天性孝友奎晚年妾舉子騰龍奎卒時析產與龍者不及蛟之半且謂龍曰我死當父事兄奎卒後十年蛟復析己產之半計田五頃與龍曰此先人不言意也蛟後入貲為國子生授詹事府錄事出為玉田縣丞

盛胥嶺嘉興人或云胥嶺其字也軼其名洪武中以人才薦授順昌知縣時海寇充斥歿於王事歸葬胥

山七世孫唐

唐字原陶號南橋以嘉善籍中嘉靖辛卯舉人戊戌進士授吉安府推官每獄探幽索隱人稱神明入為湖廣道御史分省人物考時重建太廟有希上百世不遷立四親廟以憲宗為祖興獻為考唐極言其非疏入世宗震怒令回話本進經覽而擢地者三浹旬始得旨罰俸出巡山東鹽課回復按陝西奏延半年邪議遂寢慶地方遭邊患殘破軍民乏食詔撫按官發賑曾銑得罪唐以曾為報功又疏劾仇鸞驕縱調還按河南坐前事降湖廣布政司照磨入為國子博士何良俊曰友齋

叢說張半洲為總督時禦倭時選部屬為贊畫儀制郎中盛南橋亦在選中累遷福建僉

事倭寇福清統領土官黃仲金等圍勒三晝夜斬級

五十二事聞賚銀幣馮夢禎快雪堂集南橋侍御在南橋不聽見庭前雙柏甚巨疑其為古之夫人古

忽岐痛不可忍其柏材甚夥散各衙門為薪薪盡病

已歷河南叅議湖廣副使歸優游林下編嘉善志年

九十卒孫懋時字行所文華殿中書無子繼族弟懋

相子國先為嗣懋相字理卿萬曆丙子舉人更名治

徵乞恩安吉州學正遷知臨城終泰安知州子國彥

官同安主簿

卜大同字吉夫號監泉

徐文貞階作墓誌君嘗夢詣國學有泉上出遇太宰恭肅

周公謂曰泉上出及物象也

本獲嘉縣人元至正間

有官三者贅嘉興楊壽六家居蕭陳湖宣德間分縣

遂為秀水人自官三至大同凡八世父宗洛自號長

醉翁大同嘉靖丁酉舉人戊戌進士授刑部主事慮

囚江南轉本部山西司員外乙巳淮楚羣盜嘯聚沔

漢間攻剽無虛日巡撫請設憲臣專理廷推大同往

特授湖廣僉事督蘄黃江防至廣設方畧嚴飭往來

期年盜息

分省人物考時事皆草創地又當皖汝淮楚之交吏各私其人法易更而奸不易詰

同因與隣壤約關白勿違異按捕勿格
失弗察者與同論令行期年羣盜屏蹟會有苗警移
上湖南衡永分守叅議著征苗圖說海寇劉六劉七
挾倭攻漳泉諸郡再遷福建巡海副使畫戰守之計
輯備倭圖說淵鑑類函時有倭亂大同簡卒伍謹烽
堠控險要大治樓船積餉糧以待賊
歷代市舶記而漳泉為甚初閩人多入海與諸夷市
分省人物考
失利而倖亂往來導賊入或且攘臂羣起以張賊勢
利權下者既多自敗其名潔廉者又率
而海禁無從利權下者既多自敗其名潔廉者又率
弛獨同毅然任之以巡歷卒於海年四十七子蒙
輯其遺文曰監泉集第大有大順

大有字謙夫號益泉嘉靖癸卯舉人丁未進士知

無錫縣剔蠹搜奸執法不撓忌者中之調簡潛山嚴

明益著

潛山志有傳

入為南都水主事督龍江關陞南刑

部江西司員外廣西司郎中改南精膳出知尋甸府

不赴歸著經史要義

經學要義五卷見經義考

益泉集子曰謀萬

厯中恩貢知清流縣孫二南

大順字信夫

達夫一字

號簞泉嘉靖己酉舉人癸丑進

士知當塗縣邑近南都商賈多規免役以病細民大

順力為釐革遇獄訟剖決如流

當塗志有傳

擢刑部主事

改稽勲厯四司主事員外進稽勲郎中留意人材咨

詢周密嘉靖辛酉病卒京邸吏部志有傳初大順之疾也

將乞歸母貧聞之不悅乃力疾視事卒年四十二有

簞泉集

靜志居詩話三卜同懷取甲第仕俱不達而子姓至今猶保其故廬其後岳氏繼起雖臻

膺仕而後嗣之凋謝甚矣

二南字南仲萬曆癸卯應天舉人乞恩臨邑教諭

補黃陂遷知廣東西寧縣謫廣西布政司檢校量移

本省思恩知縣撫按諗其才題改臨桂臨在省會為

首邑公私旁午能以精勤勝厥職未幾以老乞休二

南工於篆隸享耆壽孫長生字僧壽崇禎己卯舉人

早世妻陶氏繼卒妾沈氏撫其孤以苦節聞附洪武
帖一道洪武三年十一月二十六日欽奉聖旨說與
戶部官知道如今天下太平了也止是戶口不明白
俚教中書省置天下戶口的勘合文簿戶帖你每戶
部家出榜去教那有司官將他所管的百姓都教入
官附名字寫著他家人口多少寫得真著與那百姓
一個戶帖上用半印勘合都取勘來了這大軍如
今不出征了都教去各州縣裏下著遠地裏去點戶
比勘合比著的便是好百姓比不著的便拿來做軍
比到其間有司官吏隱瞞下的將那有司官吏處斬
百姓每自躲避的依律要了罪過拿來做軍欽此除
欽遵外今給半印勘合戶帖付本戶收執者一戶楊
壽六嘉興府嘉興縣思賢鄉三十三都上保必暑字
圩匠籍計家八口男子四口成丁二口本身年六十
歲女夫卜官三年三十一歲不成丁二口甥男阿壽
年六歲甥男阿孫年三十一歲婦女四口妻母黃二娘
七十五歲妻唐二娘年五十歲女楊一娘年二十二

歲甥女孫奴年二歲事產屋二間二舍船一隻田地
自己一十五畝一分五釐六毫右戶帖付楊壽六收
執准此洪武四年
月日杭字八百號

萬祺字戩甫祖大觀大同弟大有大順兄也三人
皆登第而大觀獨不偶為蜀藩典寶正萬祺性仁愛
寡言笑父疾亟嘗遺矢以審吉凶居喪盡哀妻孥歡
勺酒不入口者三年撫庶弟如子天啟辛酉中式順
天鄉試第二乞恩寧國教諭修葺殿廡堂齋課士以
節義相勗寧國志有傳遷國子助教轉戶部司務再遷刑
部福建司主事進山西司員外終韶州知府

鍾一元字太初號侍山秀水人嘉靖壬子舉人癸丑
進士有吏才初知福寧州鹽賈專利病民一元力扼
之使不得縱地介山海間倭警頻築河資田州兩郭
又拓西城外郭六百餘丈甫竣工寇至遂納其民丁
內艱墨衰禦敵福民泣留立石頌績像而祠焉福建
省志
有傳入為員外郎郎中遷知池州府調寧國隆慶初轉
四川副使乞休結廬郭外有泉石之勝素介直非同
志謝弗與交里閭罕覩其面兩浙名賢
錄有傳
毛汝賢字見五嘉善人嘉靖乙卯舉人丙辰進士授

鳳陽府推官行取稽勲主事調驗封陞考功員外復
調文選轉稽勲郎中歷驗封考功會徐階秉政欲調
陸光祖居吏曹乃移汝賢為刑部陝西司郎中以娶
部民女為妾左遷兩淮運判不赴尋補河間府同知
陞河南叅議遷大名副使以馬嶺口黃背嶺等處乃
南北關隘躬親周歷為防秋計皆中機宜大同巡撫
員缺會推邊才遷以疾卒年四十有五汝賢性坦率
不留宿忿其左遷運判也以御史周弘祖劾之及在
大名弘祖宦亦不振為屬吏汝賢無纖介嫌弘祖大

愧服汝賢之歿也弘祖經紀其喪人兩賢之

尚忠字子亮汝賢從子也萬曆戊子舉人甲辰進士知寶坻縣丁母憂補澄海邑濱海商船至率邑中大姓主之勒索無厭有司亦多染指尚忠力為禁絕以病歸再補棗強月試諸生於內署經書與旨一一為之剖析裒輯成帙鏤版頒之名曰四書會解十卷見經義入為都察院經歷陞虞衡員外先朝在東宮識其才手書承恩堂顏額賜之轉都水郎中出為雲南僉事引疾歸弟尚文字子華鄉貢由餘姚訓導歷新昌

教諭紹興府教授

陸相儒字大行嘉興人嘉靖庚子舉人己未進士任

工部主事歷都水員外郎郎中

見只編今上皇極門且成而金柱明梁非

圍尺極大者不中時川貴採辦在在告困適通惠河

道工部郎中吾鄉陸澹園以天津至海兩岸平沙有

歷朝大楠漂沒者悉為搜發至一千有奇其中梁出

柱圍尺者一百五十有七約省金錢二百餘萬

知延平府先是庫役病民多至破產相儒為條其事

行條鞭法募役守庫為八閩倡閩人大稱便又創義

塾行鄉約興學右文

福建通志有傳

擢貴州副使土酋拒命

相儒許其自新卒歸順以憂去補福建副使島夷入

寇遣材官逆戰海中斬獲有功未報捷卒於官

兩浙名賢

錄有傳著尚書說義

見經義考

張應治字體徵號冲泉秀水人嘉靖辛酉舉人壬戌進士釋褐行人典楚鄒二藩祭葬穆廟立三充詔使選南戶科給事中三河口決上言新渠地高不勝汶泗滕薛諸水故一遇霖雨輒至潰溢而工部尚書朱衡故多大言功不補患昔既棄三河而為大河波及之區今又穴此溝而萃全兗合流之水宜罰有旨�鎮衡級與御史尹校劾李佑杜極冒陞巡撫得旨佑聽

勘極改南京別用隆慶戊辰災異頻仍上修彌七議
大要謂天心仁愛人君修德禳災不宜專責臣下而
前三議勸革內批罷游幸召還織造內臣語甚切直
上意不懌留中見世宗實錄武弁劉寶田世威失律疏劾
之語侵魏國公徐鵬舉仁聖后居別宮中外憂疑上
疏言之切責南京留守大瑞邢保駿剋匠工銀三千
兩按狀以聞保充淨軍值聖誕大臣皆有恩蔭應治
以秩滿還京具言非制出知九江府初以九江安慶
重地各存額糧萬石後安慶被兵撤糧協濟嗣是遂

歸皖庫應治請還其半上官難之力爭得允得地衝
民貧郵傳支應無虛日乃行均役之法隆慶末江右
大祲流民相攜入境或議驅之應治弗許令發廩出
賑舉卓異神廟初入覲錫宴賚銀幣擢臨清副使故
事臨清歲遣軍戍邊弗代應治覈衣糧之費裁其羨
募丁壯更番往軍心翕然終養歸卒年四十三

明史附畧

問禮

有奏議四卷從孫廷薦晉徵

廷薦字伯登以選貢入北雍中萬曆甲午順天舉
人辛丑進士授刑部江西司主事未幾卒廷薦女適

同郡吏部郎中沈道原子剛中早寡苦節

晉徵字恭錫崇禎庚午舉人甲戌進士初知閩縣
丙子充本省同考海寇劉香內犯以誤餉中計歸再
補婺源遷刑部廣西司主事歷本部貴州司員外恤
刑河南出知建昌府流寇犯袁州預畫守禦之策郡
以獨全又計擒賊首曹斗墟等敘功擢建南道副使
國破歸

郭子直字舜舉號汾源其先華州人宋初有名禮者
徙汴曾孫昭乾來杭工醫昭乾孫仲敬高宗時以醫

進有治驗賜姓趙故稱趙郭氏又六傳名詵者家海寧故為海寧人子直祖皞徙崇德父鼎字文新以高資充太學生授臨安府推官遷福建運副子直三歲能誦詩弱冠為諸生隆慶初以恩貢入北雍中庚午順天鄉試卒未進士年已四十矣授行人使遼蒐訪塞上要害歸上之遷祠祭主事會上方嚴察外事聞花炮聲詰問為錦衣梁某召客子直與焉謫懷仁典史移知尉氏縣充萬厯丙子河南鄉試同考一歲入為南武庫主事督武學丁憂補武選遷本司員外督

學廣東攝南部道度寇王子龍餘黨李員朗復熾時
議用兵子直主撫後得盜魁果不煩兵而服論功賜
金轉山西冀寧道叅議民盜採太行山礦聚衆日繁
巡撫議勦之子直謂貧民竊半餒自活何忍置之死
地力爭得寢調福建副使同安奸民陳申訛言日本
長吏申文將入寇民洶洶奔避子直畫戰守計事甫
定以前礦事被論左謫歸子直能詩招文士為父山
詩社里居十年年七十九卒著二京三浙中林等集
子欽先雅州判官孫演字寅客崇禎壬午舉人濬字

默菴崇禎庚午舉人

順治壬辰進士兄子彥采

沈思充號遂菴桐鄉人萬曆乙酉舉人丙戌進士任工部主事丁憂補屯田司歷刑部員外郎郎中轉貴州提學僉事黔中地荒遠禮教常踈思充雅意作人且博稽文獻擇紳士有學識者會纂貴州通志手裁定上之遷江西叅議本省副使疏論國本見忤罷卒於家

吳昌期字際之本吳江人祖邦榮修武知縣父翼以吳江籍中萬曆壬午舉人昌期寄籍本郡

縣中

萬曆乙酉舉人乞恩東陽教諭入為國子學正繕營
員外魏忠賢用事昌期督治荊州惠王府第糾劾內
臣蘇進忠侵冒忤璫撤回時中書舍人吳懷賢以誹
謗繫獄先發志始吳懷賢父養春與吳孔嘉父某為
結算有長沙販鹽本銀六萬兩未開入帳懷賢與某
之某執稱無有懷賢怒將案上硯擊之中腦死孔嘉
同母潛逃懷賢必欲殺之以絕後患賴天使某力託
得免阮孔嘉舉於鄉懷賢有愛妾六娘者另居白鶴
園伊僕吳天雲戲之懷賢怒囚於家天雲厚賄懷賢
妻力為申解乃釋天雲走投逆賢名下稱義兒授錦
衣官乙丑孔嘉會試中式天雲代為營求置鼎甲臚
傳後天雲往見孔嘉曰公欲報此讐乎孔嘉曰豈
敢一日忘之但不勝反為所蠶柰何天雲曰即日公
等當謁魏公公問及家世止涕泣稱不敢言予當助

一臂次日孔嘉同余煌華琪芳謁賢賢以次問及孔
嘉一如所識天雲從旁代陳其寃并及懷賢諸不法
狀賢曰可速具呈來當為汝雪此寃次日呈入而懷
賢逮矣追焚餘稿時魏璠心豔其資誣以謀佐黃山
逮詔獄人呂下問謀是差璠妻朝議遣工部官往督黃
山事秦人呂下問謀是差璠妻朝議遣工部官往督黃
欽民富者盡以召買黃山拘致不承即禁之獄吳氏
宗戚被害尤慘一日白捕數輩突入岩鎮富民潘某
家聲言捕某時某不在即闖入內捕其妻家人號呼
驚動閭里羣聚毆之斃二捕焚其屍大書誅呂安民
四字衆數千各執木槌直趨郡治聞部獄縱囚焚署
呂踰牆遁姬妾被掠有不知所之者郡守挂冠去呂
匿郡丞署衆將攻丞署遂夜遁績溪績溪民復逐之
又遁寧國事聞朝議重處呂而不窮其事民乃定許
志吉者穎陽相公孫也以任官大理寺副下問數變
志吉請之璠願以欽人任欽事其毒乃更甚於呂璠
敗臺省劾之璠下撫按鞫治志吉囚服對簿子某懼
遁入武林僑寓錢塘門許子故習豪侈日出巨鏹市

薪菜為捕兵所窺意為盜也一日糾黨數十伴言捕盜直闖許臥室劫其資罄并淫其女時許女甫及笄耳事聞杭嚴道急捕諸戎首盡法創之夫志善偕逆瑤以肆毒身坐察院驅公祖父母走角門三黨至戚管敲不少資而竟不克誌其子若女天道好還豈不信哉按懷賢僑居嘉興見忠賢弄權傾陷忠良心懷痛嫉昌期以忤璫徹回懷賢服毛一鷺叅昌期與其不阿遺書稱之其僕密首東廠

東林黨人榜有名

一日與

懷賢私書往來譏訕朝政削籍歸
同郡岳元聲坐荷亭對弄外傳有緹騎至昌期指池水謂元聲曰此我與公葬地毋為閹豎所辱已而知逮魏大中挈手送之執手痛哭崇禎改元起本部郎中擢廣西叅議調貴州副使致仕卒年七十八無子

以弟昌時子祖錫嗣

祖錫字佩遠

一名鉏字稽田

本生父字來之有幹才崇禎

庚午舉人甲戌進士授行人歷文選郎中

明史稿昌時頗為東

林效奔走然為人墨而傲通

坐事論死

王逋勅養瑣語昌時官吏

殿衛把持朝官同列咸嫉之

部大營甲第侵越比隣曾生地以禁垣曾生往爭之

昌時漫云垣在爾基即爾垣矣何必爭竟不讓還後

吳雅法房亦回祿

是垣果歸曾氏祖錫深痛之國破往來江湖屢瀕

於死卒於膠州逆旅葬焉

沈孝徵字元萬號玄海海鹽人萬歷戊子舉人戊戌進士授都水主事出督清江船政公餘觴詠不輟陞

郎中移高郵河道出為汝南道副使行部信陽錄囚
有周某者奇其才釋之使就試是年中式又誅大盜
丁甲先建長橋跨淮民不病涉論調不赴歸家居好
客遂食貧著玄暢閣集弟誼徵

誼徵字天谷諸生入國學授山東按察司經歷署
海豐縣遷鳳陽府通判流寇充斥鳳督朱大曲愛其
才徵為軍前贊畫以勞歿官亦能詩有香雪菴稿閒
閒集孫德涓開化樂清教諭曾孫曾樵康熙庚辰進士吏部員外曾樵子燮
文雍正丙午舉人庚戌進士任
桂陽知縣災文雍正己酉舉人

陸楷字子正崇德人萬歷癸酉舉人知豐潤縣時鄖撫李材在繫遣字典就獄受經終蘇州府同知

典字仰峯萬歷丁酉舉人辛丑進士知贛縣調繁

豐城所至與諸生講學孜孜不休觸上官怒被察起

補定陶

定陶志稱其多善政建奎閣改鐘樓興廢舉墜仍講學不輟

入為刑部主

事恤刑北畿厯員外郎郎中出知潮州府士民戴之

轉惠潮副使引疾歸典篤學力行以古聖賢自期論

格物歸仁之義多先儒未發

夏煒字汝華號耀寰桐鄉人萬歷庚子順天舉人丁

未進士知武昌縣懲下甚嚴調遵化再調溧陽溧多
水患濬竹節橋河十五里以殺水勢再補臺城入為
南營繕主事歷虞衡郎中知南康府有冤獄久繫煒
至立訊出之江西通志稱其在任五年廉介儉約庭無滯獄遷淮海副使調
江西分守湖西入覲道卒

燠字汝翼號冲寰煒從弟也萬曆乙酉舉人丙戌
進士知冀州地為北畿要衝煩劇難治又當荒旱流
離屬路燠莅任首罷一切催科發廩以賑不給徒步
泣禱烈日中三日大雨徧霑歲遂有秋隣境穰屬就

食州民好訟善以意探得其情其尤者持官府短長
前後有司莫敢問擒其魁治之皆大恐改行陞刑部
員外歷本部湖廣司郎中中人王進失火逮繫正月
之三日斃獄爇不知避忌歲首即以聞司禮監劾奏
謫貴陽府通判充庚子鄉試同考於棄卷中得潘潤
民為榜首皮林苗天甫等倡亂殺官吏爇與其僕夏
慕者兩騎深入九股苗洞中諭以禍福九股不敢助
天甫乃引官軍與天甫連戰大破之斬首八十級事
平賜金綺引疾歸先廟立起工部郎中不赴卒於家

子觀原崇禎初選貢滁州州判

陳國是字與同號無^非廬本華亭人入籍嘉善萬厯癸

卯舉人甲辰進士初授刑部主事丁憂起都水主事

管節慎庫左遷長蘆運判轉南刑部山西司主事厯

廣西司員外四川司郎中知寶慶府諸生蕭某聘而

未娶江川王怙勢奪之陳寃王以書來國是不啟封

立呼其女至備鼓吹為之成禮配焉時久旱禱之立

應轉廣西副使移疾歸^{松江府志有傳}子玄壽字鑑先崇禎

丙子應天舉人族子甲以華亭籍中萬厯丙午應天

鄉試癸丑成進士終南儀制郎中

王濟字伯舟號雨舟其先泗州人元末六世祖道輔避兵崇德之烏鎮家焉後土斷為桐鄉父英弘治中蘇州衛指揮濟弱冠為諸生以高貲入太學授橫州判官州守欽濟領州事悉其俗利病設施皆當於理夙能詩教衙吟誦不輟植湘竹盈庭日米其風物與故鄉異者類為一編曰君子堂日詢手鏡其論岑猛作逆始末及蠻中惡習瘴癘蠱毒土產無不備又預擬禦蠻之策迨去官而猛屢不靖識者服其先見以

母老乞養時命事龍寬堯山堂外紀寬精於文義中
憲澤子遠入試浙場中第八又與同中甲科人有詩
朝之曰阿翁一自轉都堂百計千方幹入場金澤財
多子孫劣龍寬家窘手兒長有錢使得鬼推磨無學
却將人頂缸寄與兩京言路者好排閹閹進彈章後
二人皆不容於清議一止浙僉一止太僕丞今科場
要令批首立貢院門內辨驗同試者之面貌蓋由此
也尚書劉麟靜志居詩話尚書由二千石登三九之
興自號曰太白山人孫一元烏青文獻正德中逆瑾
坦上翁之南坦建業龍寬以按察桂興守劉麟去官
卜築吳興之南坦建業龍寬以按察桂興守劉麟去官
人御史陸崑亦在罷而長興吳琬隱居蒙山窮經著
書諸公皆主焉琬乃以書招太初相與盟於社稱茗
溪五隱太初於是買田雲水就婚施氏生一女而死
年三十七疾革告麟曰銘吾墓告琬及崑曰葬我道
場山之麓又曰晉安鄭繼之序吾文麟琬及崑皆曰

諾無何繼之來寓茗溪邀濟為崇雅小社為青文獻

弔亦如其言

治間就宅後疊石成山臨以廣堂巖壑幽邃旁通委巷左右亭臺間列下為流觴曲水皆古文鐫刻精好

蓋宋時物也濟自書其堂曰橫山日與文人墨客歌詠倡和於其間曰嘉樹亭在橫山堂後豐南禹坊篆額書亭家藏嵇康絕交書真蹟朱子小學原稿所著有

二溪編谷應水南詞和花蕊夫人宮詞白鐵道人集

見聞紀訓雨舟承祖父鉅產嗜學讀書法書名刻盈寶峴樓騷人墨士日常滿座外若放浪中實介然有優人乘醉呼其名辱罵家人欲詰責之公不許嘗用重值售古鏡一圓以示門下客客不意墮之地破其人踞不勝慰之曰吾所云重價給君嗣子漢齡諸爾實價不過兩許毋芥蒂其厚德如此嗣子漢齡諸生見聞雜入會城每見其步行數十里老於世故早

己尊人赴人酌苦辭專席
僕從甚簡用意深遠矣 孫隆德

隆德字孟起號葵吾萬厯庚子順天舉人丁未進士授袁州府推官陞南刑部陝西司主事歷兗州知府廣西桂平道叅議江西太寧道副使其任推官也上司以條鞭之外復有值櫃收銀南糧民解及衙門供應往來夫馬為里甲困擾檄與建昌推官陸鍵條議一歸官辦一時稱便

見江西通志

蔣英字瞻圯改字瞻雲嘉善人兄茂國子生內閣中書英萬厯癸卯舉人庚戌進士知松溪縣以仁惠稱

松江志 調繁漳浦丁憂補宜興宜為江南劇邑賦煩
有傳 民困英愛民守法凡薪米之需咸取給於家入為南
刑部福建司主事調南祠祭歷員外郎郎中改驗封
外轉福建驛傳副使時璫餼已熾英與周宗建為兒
女姻宗建徵賦急英代之輸璫銜之推陞本省按察
使責其依傍門戶削籍崇禎辛未起湖廣副使未幾
改分巡蘇松坐事貶秩未行而宜興民變上官以英
先治宜興得民心檄之撫治辭不獲則單車往諭法
豪家僮僕數人令民自獻其首惡亂遂定宜興故多

豪家修撰陳于泰編修陳于鼎兄弟尤橫遂激民變
賴英以定而周延儒方柄國與陳氏有連復貶英兩
秩歸十年卒周明史稿附英家饒於財子孫繁衍聚族
而居不更遷徙其贍婚嫁賻喪葬賑親族卹隣佃具
有成規子孫守之勿替

吳之屏字邦維號澹生崇德人父尚倫汝寧州州判
之屏萬曆戊午舉人天啟壬戌進士知江西新城縣
以才調南城縣學為益府所壓之屏高其基三尺益
藩不能阻遂軒殿壯麗科甲蔚起江西通志有傳天啟丁卯

充本省同考行取主客主事丁憂補祠祭歷儀制員
外郎郎中陞福建糧儲叅議即督本省學政杜苞宜
請謁夙弊一清建先儒黃幹陳孔碩祠以崇理學福建通志
有傳進廣西叅政左遷興泉副使改廣東部民乞留
許仍舊任乙酉唐藩建號擢副都御史撫福建閩破
歸卒於家弟之翰崇禎中鄉貢廣德州判官子爾璫
爾璫字介子一字伯崇禎己卯舉人出編修銜盾文
之門癸未成進士選庶吉士是秋閩賊破西安獻賊
破武昌國勢岌岌不可支爾璫朝夕以國事為念甲

申年春自成渡河太原不守大學士范景文薦爾璫
才可用召對德政殿爾璫請遣間使於西邊土司李

魯祁三姓假之重職使起兵牽制賊鋒以待援兵未

及行而賊已逼京師爾璫陷賊中明史稿解學龍傳十七年五月福王

立南京拜兵部左侍郎十月擢刑部尚書時方治從

賊之獄仿唐制以六等定罪而馬士英阮大鍼視賄

為出入案久不決學龍議定其罪重應礫者吏部員

外郎宋企鵠舉人牛金星平陽知府張燁然太僕少

卿曹欽程御史李聲喻上獄山西提學參議黎志陞

改西左布政使陸之祺兵科給事中高翔漢潼關道

會事楊王休翰林院檢討劉世芳等若干人為一等

應斬秋決者刑科給事中光時亨河南提學僉事鞏

煥庶吉士周鍾兵部主事方朝昌等若干人為二等

應絞擬贖者翰林修撰兼戶兵二科都給事中陳名

卷三十一

夏戶科給事中廖國遴少詹事項煜等若干人為三等應成擬贖者總督侍郎侯甸修楊廷鑑等若干人為四等應徒擬贖者通政司叅議宋學顯諭德方拱乾進士吳剛思檢討方以智等若干人為五等應杖擬贖者工部員外郎潘同春禮部員外郎吳泰來等若干人為六等至身留北都俟後定奪者少詹事何瑞徵楊觀先等若干人另存再議者給事中翁元益庶吉士魯鼎吳爾璵史可程等若干人及大鐵既殺鍾時亨即傳諭二等罪斬者謫充雲南金齒衛軍三等罪絞者充廣西邊衛軍四等以下俱為民永不敘錄然學龍所定案亦有漏網而所擬一等諸犯皆隨賊西行法無可施其餘亦未及正刑章也賊敗南還謁史可法於揚州請從軍贖罪可法遂留叅軍事之屏方督閩學商璵斷一指畀故人祝淵曰君歸語我父母悉出私財畀我餉軍我他日不歸以指

葬可也尋從高傑北征至睢州傑被難爾璵流寓祥
符遇一婦人自言福王妃爾璵因守臣附疏以進詔
斥其妄言逮治可法為救免後守揚州城陷可法死
爾璵與監紀主事何綱同死之

明史稿附
史可法傳

文時為

兵部侍郎監興平軍亦死之爾璵死後棺被焚惟祝

淵所攜一指持還家人遂以葬淵字開美海寧人崇

禎癸酉舉人上書救劉宗周幾得罪

續往哲編項玉
晉曰癸未秋

騎至禾逮淵余友李明鑾錢本一鄭雪昉以淵遺余
家候開讀始挺身就械繫先君子義憤直入見錦衣
百戶張抗顏曰生無罪銀鑰應釋其左右以策麾衆
誤中父額血淋漓被面徐司冠李秀水欲以上聞巡

道侯公云忌者方以黨事羅
織恐無益於生反貽蔓遂已
太常卿吳麟徵之死淵
為之斂歸至揚與爾璵別浙東下作辭筆硯巾服詩
及絕命辭自盡明史稿爾璵字震方康熙己酉舉人
己未進士監察

御史